

89  
10. júlí

# Samþykkt

## um girðing í Svinavatnshreppi.

Hreppsnefndin í Svinavatnshreppi í Húnavatnssýslu hefir, samkvæmt lög-  
um 30. júlí 1909 um girðingar, gjört eftirfylgjandi

### Samþykkt

um girðing í Svinavatnshreppi fyrir Blöndudal, Sljettárdal og Svinadal austan  
Svinadalsár.

#### 1. gr.

Í Svinavatnshreppi skal vera girðing frá Blöndu við Eldjárnsstaði sem  
beinast vestur að Svinadalsá í gilsendann sunnan við Hrafnabjörg og svo norður  
með Svinadalsá í túngirðinguna á Rútsstöðum og þaðan norður á ytra enda  
Skeiðmels.

#### 2. gr.

Girðing þessi skal vera fimmþætt gaddavirsgirðing og að öðru leyti sem  
lög um girðingar frá 30. júlí 1909 áskilja.

#### 3. gr.

Kostnaðinn við að leggja girðing þessa og halda henni við ber að greiða  
af öllum sauðfjár- og stóðeigendum hreppsins sunnan Múlagirðingar milli Blöndu  
og Svinadalsár, nema þeim er heima eiga á Þróm.

Skal gjaldi þessu jafnað þannig niður, að jafnt sje lagt á hverjar 2 ær  
með lömbum sem 3 geldkindur og hvert stóðhross sem 3 geldkindur.

#### 4. gr.

Eftirlit með girðingunni, niðurlögnun kostnaðarins og gjaldheimta skal  
falið þriggja manna stjórn, er kosin sje af þátttakendum á aðalfundi, er haldinn  
sje í aprilmánuði ár hvert. Niðurlögnunin og reikningsskil leggist til úrskurðar fyrir  
aðalfund.

#### 5. gr.

Finnist fje, er aðrir eiga en hluthafar, á girðingarsvæðinu, þegar smalað  
er vor eða haust eftir ákvörðun hreppsnefndar, má leggja alt að 50 aura gjald  
á hverja kind, er renni til girðingarfélagsins (sbr. 5. gr. í reglugerð fyrir Húna-

vatnssýslu um fjallskil o. fl. frá 19. júní 1905). Skal hver, sem finnur slíka kind, **89**  
skyldur að tilkynna það stjórn girðingarfélagsins. **10. júlí**

Samþykkt þessi er hér með staðfest til að öðlast gildi 1. september 1912 og birt til eftirbreytni öllum þeim, sem hlut eiga að máli.

Í stjórnarráði Íslands, 10. júlí 1912.

**Kristján Jónsson.**

*Jón Hermannsson.*

## Samþykkt

**90**  
27. júlí

um notkun vatns til áveitu og viðhald á skurðum í Austur-Landeyjahreppi.

Sýslunefndin í Rangárvallasýslu hefir, samkvæmt lögum 20. desbr. 1901, um samþykktir til varnar skemdum af vatnaágangi, um vatnsveitingar og skurði, samið og hjeradsfundur fallist á eftirfarandi samþykkt um notkun vatns til áveitu og viðhald á skurðum í Austur-Landeyjahreppi.

1. gr.

Skurðir þeir, er samþykkt þessi á sjerstaklega við, eru:

**A. Aðfærsluskurðir:**

1. Hinn sameiginlegi aðfærsluskurður úr Álunum í Sandvatn.
2. Hólmahverfis- og Bakkaskurður.
3. Ossabæjarskurður.
4. Úlfsstaðaskurður.

**B. Aukaskurðir:**

1. Skækilsskurður.
2. Búðarhólshverfisskurður.
3. Lágafellsskurður.
4. Skiðbakkahverfisskurður (úr Stórutjörn í Drápslæk).
5. Hildiseyjaskurður (úr Drápslæk að Litlu-Hildisey).
6. Fagurhólsskurður.
7. Bakkaskurður.

**C. Affærsluskurðir:**

1. Fljótsvegsskurður.
2. Skiðbakkahverfis og Bryggmaskurður.
3. Krossskurður.
4. Hólmaskurður.

2. gr.

Hreppsnefnd Austur-Landeyjahrepps skal hafa umsjón með viðhaldi skurðanna og notkun vatnsins eftir því, sem nánara verður ákveðið í samþykkt þessari.